

Rapport dil match districtual sin la distanza da 10m a Trun dils 13. da mars 2016

Ella runda da qualificaziun pil final ei vegniu sittau mintgmai 20 siets sin schiba A10 cun coma.

Nus havein sittau ellas suandontas categorias: Pistola, buis sin peis tschentau, buis en schanuglias buis sin peis maun liber giuvenils (sut 16 onns) e buis elite e juniors ensemen.

Ella categoria pistola ha Francesco Fera da Glion sittau ella runda da qualificaziun igl ault resultat cun 196.7 puncts. El final ha lu il tiradur Clau Fryberg da Trun giu la megliera gnarva e victorisau cun 186.1 puncts encunter Sep Antoni Schuoler Muster. Sil tierz plaz ei Francesco Fera plazaus.

Tier ils tiradurs che settan sin peis tschentau (naven da 45 onns ensi) ha Corsin Derungs dominau la runda da qualificaziun (205.3), el final ha el denton stuiu suttacumber alla tiradura da Castrisch Yvonne Margreth che ha sittau 204.6 puncts el final. Sil tierz plaz ei vegnius Guido Sgier da Sagogn.

La categoria buis en schanuglias ei vegnida dominada da Hermann Jemmy da Castrisch. (199.2) El final ha el victorisau sur siu collega Corsin Capeder, Duvin (198.1) il qual haveva gudignau la runda da qualificaziun. (201.5) Sil tierz plaz ei seclassaus Robert Studer da Castrisch.

Era ils pli pigns han semiserau al match dil district. Ella categoria giuvenils (U17) ha Annina Tomschett da Trun mussau ch'ella ei la ferma tiradura giuvna el district. Ella ha gudignau la prerunda cun 103,4 puncts ed il final cun 195.9 puncts. Secund ei vegnius siu camarat da Trun Chris Wolf cun 185.5 puncts avon Andrin Petschen medemamein da Trun.

La categoria prinzipala da quei match ei segir quella dalla Elita. Demai che mo treis juniors ein separtizpai han els stuiu sittar ensemen cun l'elita. Ella runda da qualificaziun ha Nadja Caviezel da Razen (che setta per tiradurs sportivs Surselva) victorisau (204.5) avon Irina Tomaschett da Rabius (201.5) ed Elena Tomschatt, Rabius cun 199.1 puncts. Demai che Irina ha sittau il di d'untgida il programm ha ella buca saviu separtizpar al final.

Il final ei vegniu sittaues cun gronda tensiun. Prinzipalmein denter las duas tiraduras Nadja ed Elena eis ei stau in crimi tochen il davos siet. La victoria ei ida alla juniora Elena cun 197.1 puncts encunter Nadja cun 196.7 puncts. Sil tierz plaz ei ina ulteriura juniora da Trun seplazzada.

Als victurs ed a tuts finalits ina sincera gratulaziun.

Hubert Tomaschett responsabel pil match 10meters dil district da tir Surselva